



Txhua Yam Rau Cov Me Nyuam (All in for Kids)

Tsab Ntawv Xov Xwm rau Tsev Neeg hais txog Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos

Txhua Yam Rau Cov Me Nyuam (All in for Kids): Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos yog ib tsab ntawv xov xwm uas pab kom koj thiab koj tsev neeg tau txais kev ceeb toom qhia txog Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos. Tsab ntawv xov xwm no yog luam tawm los ntawm Wisconsin Department of Health Services (DHS).



Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos xav tau koj tsev neeg cov dab neeg thiab cov duab!

Tsab ntawv xov xwm All in for Kids yog muab rau cov tsev neeg. Peb xav nthuav koj cov duab thiab tej kev paub kev pom dhau los rau lwm tus neeg nyeem kom lom zem! Koj tuaj yeem qhia tej yam xws li:

- Kev sib cuag zoo nrog Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos.
- Ib qho piv txwv txog tias seb Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos tau pab koj tsev neeg los sis tus me nyuam li cas lawm.
- Daim duab los sis zaj dab neeg txog yam dej num uas koj tau nrog koj tus me nyuam ua.
- Daim duab txog tej duab kos los sis lwm yam uas koj tus me nyuam tau ua.

Cov ntaub ntawv qhia paub muab nyob rau hauv tsab ntawv xov xwm no yog luam tawm raws li U.S. Lub Tsev Haujlwm Kev Kawm Ntawv, Txoj Cai Rau Neeg Muaj Kev Xiam Oob Qhab (IDEA), thiab Tshooj C Kev Cai Rau Kev Pab Thaum Yav Thaum Pib rau Cov Menyuam Mos thiab Cov Menyuam Yaus Muaj Kev Xiam Oob Qhab.

Muab koj tsev neeg zaj dab neeg los sis daim duab xa email mus rau dhsbirthto3@dhs.wisconsin.gov uas yog sau lo “All in for Kids” ua ke rau hauv kab npe. Koj kuj tseem puav leej tuaj yeem xa cov tswv yim rau cov dab neeg uas koj xav pom hauv tsab ntawv xov xwm tau tib si thiab. Peb tos ntsoov yuav hnov ib lo lus los ntawm koj! ❖

Tsab Ntawv Ceeb Toom Ua Ntej yuav pab kom koj paub tas li


Kev npaj phiaj xwm ua ntej tsis yog kev teem sij hawm tseg xwb! Kev paub txog tej kev hloov pauv uas tab tom los yuav txog yav tom ntej rau koj tus me nyuam cov kev pab cuam thiab kev txhawb pab yuav pab kom koj tuaj yeem npaj phiaj xwm rau koj tsev neeg lub neej yav tom ntej tau. Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos yeej ib txwm xav kom koj nkag siab txog yam uas yuav tshwm sim rau koj tus me nyuam cov kev pab cuam, vim li cas thiaj li yuav muaj qee yam hloov pauv, thiab seb ho muaj cov kev xaiv twg rau koj. Yog vim li ntawd Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos yuav muab “tsab ntawv ceeb toom ua ntej” rau koj los qhia rau koj hais txog tej kev txiav txim siab los sis kev nqis tes ua tej yam tseem ceeb ua ntej yuav tshwm sim. Qhov no yuav ua kom ntseeg tau tias koj yeej tau koom nrog kev txiav txim siab thiab paub txog yam uas yuav ua, tshwj xeeb tshaj mas yog tias koj tsis pom zoo.

Tsab ntawv ceeb toom ua ntej yog dab tsi?

Tsab ntawv ceeb toom ua ntej yog kev sib txuas lus raws cai los ntawm Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos rau koj tsev neeg hais txog tej kev hloov pauv uas tab tom los yuav txog yav tom ntej rau koj tus me nyuam cov kev pab cuam thiab kev txhawb pab. Nws yuav yog ib feem ntawm daim foos tso cai pom zoo, koj tus me nyuam txoj phiaj xwm kev pab cuam tsev neeg ua ntiag tug (IFSP), los sis nws ua nws ib daim ntawv. Nws muab cov ntaub ntawv qhia paub hais txog kev txiav txim siab los sis kev nqis tes ua ntsig txog koj tus me nyuam cov kev pab cuam hauv Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos, uas yog muaj xws li no:

- Yam uas yuav muab rau koj tus me nyuam, los sis yam uas yuav tsis kam muab.
- Vim li cas thiaj li yuav muab qee yam los sis tsis kam muab qee yam.
- Cov ntaub ntawv qhia paub twg yog cov ua chaw tiag taw rau qhov kev nqis tes ua no.
- Koj cov cai hais txog qhov kev nqis tes ua no yog muaj cov twg.

Lub hom phiaj yog txhawm rau ua kom paub tseeb tias koj yeej paub thiab nkag siab txog txhua yam kev nqis tes ua lawm ua ntej yuav tshwm sim thiab kom koj muaj feem koom nrog txiav txim siab.




Cov ntaub ntawv qhia paub muab nyob rau hauv tsab ntawv xov xwm no yog luam tawm raws li U.S. Lub Tsev Haujlwm Kev Kawm Ntawv, Txoj Cai Rau Neeg Muaj Kev Xiam Oob Qhab (IDEA), thiab Tshooj C Kev Cai Rau Kev Pab Thaum Yav Thaum Pib rau Cov Menyuam Mos thiab Cov Menyuam Yaus Muaj Kev Xiam Oob Qhab.

Kuv yuav tau txais tsab ntawv ceeb toom ua ntej thaum twg?

Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos yuav muab tsab ntawv ceeb toom ua ntej rau koj thaum lub khoos kas no yuav muaj los sis tsis muaj cov dej num twg rau koj tus me nyuam thiab tsev neeg. Cov dej num no yog muaj xws li:


- Kev tshuaj xyuas los sis tsis tshuaj xyuas koj tus me nyuam txhawm rau tshuaj xyuas seb puas ntxim yuav muaj kev loj hlob qeeb.
- Kev ntaus nqi xyuas los sis tsis ntaus nqi xyuas koj tus me nyuam txoj kev loj hlob.
- Kev ntsuam xyuas los sis tsis ntsuam xyuas koj tus me nyuam cov qauv tes ua dej num thiab lub peev xwm.
- Kev nrhiav los sis tsis nrhiav tias seb koj tus me nyuam puas muaj cai tsim nyog tau txais lub khoos kas.
- Kev muab los sis tsis muab ib los sis ntau yam kev pab cuam rau koj tus me nyuam thiab tsev neeg.
- Kev xa koj tus me nyuam mus rau cov kev pab cuam kev kawm tshwj xeeb uas muaj dhau los ntawm lub cheeb tsam tsev kawm.
- Kev muab koj tsev neeg txuas mus rau lwm cov programs kev kawm thiab cov peev txheej pab hauv zej zog thaum koj tus me nyuam tawm hauv lub khoos kas no mus.



Kuv yuav ua li cas rau cov ntaub ntawv qhia paub hauv tsab ntawv ceeb toom ua ntej?

Koj tsim nyog yuav tsum tau paub ua ntej yog thaum yuav muaj kev txiav txim siab txog koj tus me nyuam hauv Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos. Thaum koj tau txais tsab ntawv ceeb toom ua ntej hais txog ib qho kev txiav txim siab los sis kev nqis tes ua, peb thov txhawb kom koj ua raws li hauv qab no:

- Ua kom ntseeg tau tias koj yeej nkag siab txog yam uas tab tom yuav tshwm sim lawm. Nug txhua yam lus nug yog tias koj muaj.
- Xyuas kom tseeb tias qhov kev nqis tes ua yeej ua raws li cov ntaub ntawv qhia paub uas tsim nyog lawm. Koj tuaj yeem ntxiv los sis kho cov ntaub ntawv qhia paub kom raug yog tias muaj qee yam tsis raug.
- Qhia cov ntaub ntawv qhia paub txog cov dej num hauv lub khoos kas rau lwm tus.
- Xyuas kom tseeb tias koj yeej paub txog koj cov cai lawm. Nug txog yam uas lub khoos kas muab thiab txoj hau kev tsis kam muab kev tso cai pom zoo, kev ua ntawv tsis txaus siab raws li Tsab Cai Hais Txog Kev Kawm Rau Cov Neeg Muaj Kev Xiam Oob Qhab (IDEA), kev koom nrog kev pab kho ob tog kom sib haum, los sis kev thov lub rooj sib hais raws kev ncaj ncees. ❖



Cov ntaub ntawv qhia paub muab nyob rau hauv tsab ntawv xov xwm no yog luam tawm raws li U.S.
Lub Tsev Haujlwm Kev Kawm Ntawv, Txoj Cai Rau Neeg Muaj Kev Xiam Oob Qhab (IDEA), thiab Tshooj C Kev Cai Rau Kev Pab Thaum Yav Thaum Pib rau Cov Menyuam Mos thiab Cov Menyuam Yaus Muaj Kev Xiam Oob Qhab.

Koj muaj cai tau txais cov kev pab cuam thiab kev kho mob yam ncaj ncees

Wisconsin Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos yeej nyob ntawm no los txhawb koj tus me nyuam txoj kev loj hlob thiab pab kom koj tsev neeg tau txais cov kev pab cuam uas koj xav tau. Tam li yog ib tsev neeg nkag rau hauv qhov lub khoos kas no, koj muaj cov cai uas yuav pab tiv thaiv koj tus me nyuam thiab taw txoj hau kev rau cov kev pab cuam uas koj tau txais. Kev paub thiab nkag siab txog cov cai no yuav ua rau koj muaj peev xwm txiav txim siab yam tau txais ntaub ntawv qhia paub txog txoj kev cuam tshuam pab thaum ntxov rau koj tus me nyuam.

Cov cai lij choj uas tiv thaiv koj cov cai

Wisconsin Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos ua raws li tsoom hwv teb chaws thiab lub lav txoj cai lij choj uas ua kom ntseeg tau tias cov me nyuam uas muaj kev loj hlob qeeb los sis muaj kev xiam oob qhab yeej tau txais cov kev pab cuam zoo tsim nyog.

- [IDEA Tshooj C](https://sites.ed.gov/idea/statute-chapter-33/subchapter-iv/part-c) (sites.ed.gov/idea/statute-chapter-33/subchapter-iv/part-c) yog tsoom hwv teb chaws txoj cai lij choj uas muab cov kev cuam tshuam pab thaum ntxov rau cov me nyuam mos thiab cov me nyuam tab tom xyaum mus kev uas muaj kev xiam oob qhab.
- Wisconsin tsab cai [DHS 90 Administrative Code](https://docs.legis.wisconsin.gov/code/admin_code/dhs/030/90/Title) (docs.legis.wisconsin.gov/code/admin_code/dhs/030/90/Title) yeej teev lub lav cov cai tshwj xeeb hais txog tias seb Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos yuav tsum ua hauj lwm li cas.

Cov cai lij choj no yuav ua kom ntseeg tau tias txhua tus me nyuam yaus thiab tsev neeg hauv lub khoos kas yeej tau txais cov kev pab cuam zoo tshaj plaws uas tsim los kom haum rau yam uas lawv xav tau.


Koj cov cai tam li yog ib tse neeg

Tam li yog ib tsev neeg uas tau teev npe nkag rau hauv Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos, koj yeej muaj ib co cai tshwj xeeb los pab kom ntseeg tau tias koj yeej tau txais cov kev pab cuam thiab kev kho mob ncaj ncees. Koj muaj txoj cai los:

- **Nkag mus siv cov kev pab cuam:** Koj tus me nyuam muaj cai tau txais cov kev cuam tshuam pab thaum ntxov, yog tias nws muaj cai tsim nyog tau txais.
- **Koom nrog kev txiav txim siab:** Koj muaj cai koom nrog kev txiav txim siab txog koj tus me nyuam cov kev pab cuam thiab pab tsim txoj phiaj xwm kev pab cuam tsev neeg ua ntiag tug (IFSP).
- **Kev ceev ntiag tug thiab kev tsis pub lwm tus paub:** Koj tus me nyuam cov ntaub ntawv ntiag tug yuav tau txais kev tiv thaiv thiab tsis tuaj yeem muab nthuav tawm yam tsis tau kev tso cai pom zoo los ntawm koj.

Txoj phiaj xwm kev pab cuam tsev neeg ua ntiag tug (IFSP) yog dab tsi?

IFSP yog ib daim ntawv uas muaj ntaub ntawv qhia paub txog koj tsev neeg, cov txiaj ntsig (cov hom phiaj) uas koj teem tseg, thiab cov kev pab cuam uas yuav muab los pab koj tus me nyuam thiab tsev neeg kom ua tiav cov txiaj ntsig ntawd. Nws yog ib daim duab qhia kev mus rau txoj kev vam meej. Nws yog ib qho uas muab hloov kho, uas muaj yam uas koj xav tias yog ib qho tseem ceeb, thiab muab hloov kho raws li koj tus me nyuam txoj kev loj hlob. Nws yog ib txoj hau kev kom paub meej tias koj tus me nyuam tau txais kev lom zem ua ib tug me nyuam thaum kawm thiab loj hlob ntawm lawv tus kheej, nrog koj txhawb nqa lawv txhua kauj ruam ntawm txoj kev.



Cov ntaub ntawv qhia paub muab nyob rau hauv tsab ntawv xov xwm no yog luam tawm raws li U.S. Lub Tsev Haujlwm Kev Kawm Ntawv, Txoj Cai Rau Neeg Muaj Kev Xiam Oob Qhab (IDEA), thiab Tshooj C Kev Cai Rau Kev Pab Thaum Yav Thaum Pib rau Cov Menyuam Mos thiab Cov Menyuam Yaus Muaj Kev Xiam Oob Qhab.

- **Nkag siab txog cov kev xaiv uas muaj rau koj:** Koj muaj cai tau txais kev qhia paub txog txhua yam kev pab cuam uas muaj thiab nug cov lus nug hais txog cov kev txhawb pab uas koj tus me nyuam tau txais.
- **Hais daws kev txhawj xeeb:** Yog koj tsis pom zoo nrog qhov kev txiav txim siab uas lub khoos kas tau txiav txim tawm los, ces koj muaj cai hais koj qhov kev txhawj xeeb thiab nrhiav txoj hau kev daws teeb meem tau.



Yuav ua li cas yog tias koj tsis pom zoo nrog qhov kev txiav txim siab?

Pab pawg IFSP, uas muaj koj tsev neeg nyob rau hauv tib si, yuav txiav txim siab ntau yam txog kev txhawb nqa thiab kev pab cuam rau koj tus me nyuam thiab tsev neeg. Tej zaum yuav muaj qee zaum uas koj muaj kev txhawj xeeb txog koj tus me nyuam cov kev pab cuam, kev muaj cai tsim nyog tau txais, los sis cov txiaj ntsig tau los ntawm kev ntsuam xyuas. Yog tias koj tsis pom zoo nrog ib qho kev txiav txim siab, ces koj muaj ntau txoj kev xaiv los daws qhov teeb meem xws li no:

- **Nrog koj tus neeg dhia dej mun kev pab cuam tham:** Nug cov lus nug thiab qhia txog koj tej kev txhawj xeeb kom tuaj yeem nkag siab txog qhov kev txiav txim siab tau zoo dua qub tuaj.
- **Thov kev pab kho ob tog kom sib haum:** Ib tug neeg sab nrauv uas tuaj nruab nrab yuav pab hu ob tog tuaj sib tham kom sib cog pom zoo. Mus saib [Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos: Mus saib nplooj vev xaib rau kev pab kho ob tog kom sib haum](#) (dhs.wi.gov/birthto3/mediation.htm) hais txog rau cov ntaub ntawv qhia paub ntau ntxiv.
- **Thov lub rooj sib hais raws kev ncaj ncees:** Qhov no yog ib tug txheej txheem raws kev cai lij choj uas tus tub coj xwm saib xyuas lub rooj sib hais yuav tshuaj xyuas koj txoj kev txhawj xeeb thiab muab kev txiav txim siab. Mus saib [Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos: Mus saib nplooj vev xaib rau Lub Rooj Sib Hais Raws Kev Ncaj Ncees](#) (dhs.wi.gov/birthto3/hearings.htm) hais txog rau cov ntaub ntawv qhia paub ntau ntxiv.
- **Ua ntawv tsis txaus siab raws tsab cai IDEA:** Yog koj ntseeg tias Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos tsis ua raws li cov cai hauv tsab cai IDEA, ces koj tuaj yeem ua ntawv tsis txaus siab tau. Mus saib [Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos: Mus saib nplooj vev xaib rau Kev Ua Ntawv Tsis Txaus Siab raws Tsab Cai IDEA](#) (dhs.wi.gov/birthto3/complaints.htm) hais txog rau cov ntaub ntawv qhia paub ntau ntxiv.

Koj tus neeg dhia dej num kev pab cuam tuaj yeem muab cov ntaub ntawv qhia ntxaws ntxiv txog txhua txoj kev xaiv no thiab pab koj qhia koj ua tus txheej txheem no.



Cov ntaub ntawv qhia paub muab nyob rau hauv tsab ntawv xov xwm no yog luam tawm raws li U.S. Lub Tsev Haujlwm Kev Kawm Ntawv, Txoj Cai Rau Neeg Muaj Kev Xiam Oob Qhab (IDEA), thiab Tshooj C Kev Cai Rau Kev Pab Thaum Yav Thaum Pib rau Cov Menyuam Mos thiab Cov Menyuam Yaus Muaj Kev Xiam Oob Qhab.

Txoj hau kev kawm paub ntau ntxiv txog koj cov cai

Yog xav nkag siab zoo tshaj qub ntxiv txog koj cov cai tam li yog ib tse neeg hauv Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos, mus saib [Koj Tus Me Nyuam thiab Tsev Neeg Cov Cai hauv Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos, P-21106](#) (dhs.wi.gov/library/collection/p-21106). Nws yuav muab cov ntau ntawv qhia paub ntxaws ntxiv txog cov kev tiv thaiv koj thiab yam uas yuav yog tias koj muaj kev txhawj xeeb.

Peb yeej nyob ntawm no los txhawb pab koj!

Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos thov cog lus tias yuav koom tes nrog cov tsev neeg kom ntseeg tau tias cov me nyuam yeej tau txais cov kev pab cuam uas lawv xav tau lawm. Yog tias koj muaj lus nug los sis xav tau kev pab, tsis txhob ua siab deb nrog koj tus kws kho mob xub thawj tham los sis tiv tauj rau koj tus neeg dhia dej num kev pab cuam. Nrhiav cov ntau ntawv qhia paub txog koj tus neeg dhia dej num kev pab cuam ntawm koj tsev neeg daim IFSP. Thaum nkag siab txog koj cov cai lawm, ces koj yuav tuaj yeem xaiv yam zoo tshaj plaws rau koj tus me nyuam txoj kev loj hlob thiab kev noj qab nyob zoo. ❖

Cov txiaj ntsig tau los ntawm tus me nyuam yuav yog qhov taug qab qhia tias seb Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos ho pab cov me nyuam txoj kev loj hlob thiab kev kawm li cas

Wisconsin Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos yog tsim los pab cov me nyuam yaus me uas muaj kev loj hlob qeeb thiab muaj kev xiam oob qhab kom loj hlob, kawm ntau ntawv, thiab vam meej. Ib txoj hau kev uas peb tuaj yeem ntsuas tau tias seb cov kev pab cuam thaum tseem me yau hauv Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos ua tau hauj lwm zoo npaum li cas ces yog los ntawm cov txiaj ntsig tau los ntawm tus me nyuam. Nws yog ib txoj hau kev los taug qab saib koj tus me nyuam txoj kev loj hlob thiab kev vam meej thaum tab tom tau txais kev txhawb pab.

Cov txiaj ntsig tau los ntawm tus me nyuam yog dab tsi?

Qhov txiaj ntsig tau los ntawm tus me nyuam yog ib txoj hau kev los ntsuas txoj kev nce qib uas tus me nyuam tau txais kev cuam tshuam pab thaum ntxov ua tau hauv nws txoj kev kawm thiab kev loj hlob. Txhua lub lav, suav nrog lav Wisconsin, yuav tsum tau tshaj qhia cov ntau ntawv zwm txog qhov txiaj ntsig tau los ntawm tus me nyuam mus rau tsoom fwm teb chaws. Qhov no yuav pab kom ntseeg tau tias cov me nyuam yaus thiab cov tsev neeg xws li koj li yeej tau txais cov kev pab cuam uas siv tau hauj lwm zoo tshaj plaws lawm.

Cov txiaj ntsig tau los ntawm tus me nyuam yuav raug sau nkag rau hauv lub lav lub laj txheej los ntawm lub khoos kas hauv txhua lub nroog. Lub lav yuav suav sau thiab tshuaj xyuas cov txiaj ntsig rau tag nrho lub lav thiab txhua lub nroog. Cov txiaj ntsig tau los ntawm tus me nyuam yuav muab nthuav qhia rau txhua lub nroog.

Cov ntau ntawv qhia paub muab nyob rau hauv tsab ntawv xov xwm no yog luam tawm raws li U.S. Lub Tsev Haujlwm Kev Kawm Ntawv, Txoj Cai Rau Neeg Muaj Kev Xiam Oob Qhab (IDEA), thiab Tshooj C Kev Cai Rau Kev Pab Thaum Yav Thaum Pib rau Cov Menyuam Mos thiab Cov Menyuam Yaus Muaj Kev Xiam Oob Qhab.

Cov txiaj ntsig tau los yuav pab kom cov nroog thiab lub lav nkag siab txog txoj hau kev uas cov kev txhawb pab thiab cov kev pab cuam thaum ntxov:

- Tau pab koj tus me nyuam kom muaj kev nce qib hauv lawv txoj kev loj hlob li cas.
- Tau pab kom koj tus me nyuam tau txais cov txuj ci qauv tes tshiab li cas.
- Tau pab kom koj tus me nyuam caum cuag los sis txav mus ze dua qub rau txoj kev loj hlob ntawm tej phooj ywg tib phaum hnuv nyoog li cas.
- Tuaj yeem txhawb pab koj tsev neeg tau zoo dua qub li cas.

Lub lav yuav saib cov txiaj ntsig tau los ntawm tus me nyuam los ntawm txhua lub nroog txhawm rau tshuaj xyuas kev nce qib xam tag nrho ntawm cov me nyuam uas tau txais kev cuam tshuam pab thaum ntxov thoob plaws Wisconsin. Tom qab ntawd, cov txiaj ntsig tau los thoob plaws lub lav no yuav raug tshaj qhia mus rau tsoom hwnv teb chaws lub Department of Education. Cov txiaj ntsig tau los yuav tsis muaj cov ntaub ntawv qhia paub uas tuaj yeem txheeb nrhiav koj tus me nyuam tau, yog li yeej yuav tsis qhia npe.

Txoj hau kev ntsuas cov txiaj ntsig tau los ntawm tus me nyuam

Cov txiaj ntsig tau los ntawm tus me nyuam yuav ntsuas koj tus me nyuam txoj kev loj hlob hauv peb suam tseem ceeb xws li:

1. Cov qauv tes fab kev sib raug zoo-kev xav (suav nrog kev sib raug zoo nrog zej tsoom)
 - Koj tus me nyuam nrog koj thiab lwm tus me nyuam sib cuag li cas
 - Piv txwv li: Luag ntshi rov qab rau tus neeg zov, nrog lwm tus me nyuam ua si, nthuav qhia txog tej kev xav tawm mus rau txoj hau kev uas lwm tus nkag siab
2. Kev kawm thiab tej qauv tes kev txawj (suav nrog kev hais lus thiab kev sib txuas lus thaum tseem yau)
 - Koj tus me nyuam tshawb nrhiav thiab kawm tej yam tshiab li cas, suav nrog kev hais lus thiab kev tham lus
 - Piv txwv li: Kev saib ntawv, kev qog suab los sis kev qog lus, kev siv tus yam ntxwv ntawm lub cev xws li kev yoj tes los sis taw tes
3. Koj tus me nyuam ua tau raws li yam nws tus kheej xav tau li cas
 - Koj tus me nyuam rhais chaw mus los, noj mov, thiab saib xyuas tej yam yooj yim uas nws xav tau li cas
 - Piv txwv li: Kev tsuab zaub mov los noj, kev kawm siv diav, kev hloov thaj zaum mus sawv ntsug, los sis kev qhia tias nws tshaib plab lawm

Tag nrho peb suam no puav leej muaj kev sib cuam tshuam. Peb suam no yuav muab daim duab tag nrho txog tias seb koj tus me nyuam loj hlob li cas rau pab pawg IFSP.

Cov ntaub ntawv qhia paub muab nyob rau hauv tsab ntawv xov xwm no yog luam tawm raws li U.S. Lub Tsev Haujlwm Kev Kawm Ntawv, Txoj Cai Rau Neeg Muaj Kev Xiam Oob Qhab (IDEA), thiab Tshooj C Kev Cai Rau Kev Pab Thaum Yav Thaum Pib rau Cov Menyuam Mos thiab Cov Menyuam Yaus Muaj Kev Xiam Oob Qhab.

Tus txheej txheem kev ntsuas qhov txiaj ntsig tau los ntawm tus me nyuam yog zoo li cas?

Tus txheej txheem kev ntsuas cov txiaj ntsig tau los ntawm tus me nyuam yuav muaj ob zaug thaum koj tus me nyuam nyob hauv Lub Khoos Kas rau Cov Me Nyuam Yug Kiag Los txog Hnub Nyoog 3 Xyoos xws li no:

1. Thaum koj tus me nyuam nkag mus rau lub khoos kas
2. Thaum koj tus me nyuam tawm ntawm lub khoos kas mus

Tus txheej txheem no yuav muab daim duab txog koj tus me nyuam txoj kev loj hlob thaum pib thiab thaum kawg ntawm nws cov kev pab cuam rau pab pawg IFSP. Nws yuav pab kom pab pawg IFSP, uas muaj koj nyob rau hauv tib si, nkag siab tias seb koj tus me nyuam tuaj yeem kawm tau thiab loj hlob ntau npaum li cas lawm yog muab piv rau thaum nyuam qhuav pib.


Tus txheej txheem ntsuas cov txiaj ntsig tau los ntawm tus me nyuam kuj tseem puav leej yuav tshuaj xyuas kom pom seb koj tus me nyuam cov txuj ci qauv tes puas zoo ib yam li cov me nyuam uas tsis nkag rau lub khoos kas thiab nyob rau tib phaum hnub nyoog ib yam li koj tus me nyuam tib si.

Cov txuj ci qauv tes hauv peb suam txiaj ntsig tau los (saib nqe **Txoj hau kev ntsuas cov txiaj ntsig tau los ntawm tus me nyuam**) yuav raug ntsuas los ntawm kev siv tus qhab nias txij li 1 txog 7. Cov qhab nias no yuav pab ntsuas seb koj tus me nyuam muaj kev txhim kho cov txuj ci qauv tes uas xav tias cov me nyuam nyob rau nws lub hnub nyoog yuav tuaj yeem ua tau li cas thiab seb puas muaj qee yam txuj ci qauv tes muaj kev loj hlob qeeb.

Kuv yuav tuaj yeem koom nrog tus txheej txheem kev ntsuas cov txiaj ntsig tau los ntawm tus me nyuam li cas?

Koj yog tus neeg uas paub txog koj tus me nyuam zoo tshaj plaws! Txoj kev loj hlob uas koj pom thiab cov ntaub ntawv qhia paub uas koj muab yog yam tseem ceeb tshaj plaws uas yuav ua kom nkag siab txog koj tus me nyuam txoj kev loj hlob. Ntawm no yog txoj hau kev uas koj tuaj yeem koom nrog tau:

- Qhia yam uas koj pom txhua hnub rau pab pawg. Koj yuav pom koj tus me nyuam txoj kev nce qib nyob rau ntau txoj hau kev uas tej zaum cov kws paub hauj lwv yuav tsis pom.
- Piav qhia tias seb koj tus me nyuam coj li cas nyob rau ntau qhov chaw sib txawv thiab nrog ntau tus neeg sib txawv. Qhov no suav nrog thaum nyob hauv tsev, ntawm chaw zov me nyuam, nrog cov neeg hauv tsev neeg, thiab hauv zej zog.
- Tham txog koj tus me nyuam txoj kev coj thiab yam uas koj tsev neeg saib muaj nuj nqis thiab kev ntseeg. Txhua tsev neeg yuav muaj tus cwj pwm tshwj xeeb, thiab tej kev coj sib txawv yuav muaj feem tseem ceeb rau tus me nyuam txoj kev loj hlob. Piv txwv li, nyob rau hauv qee txoj kev coj, cov niam cov txiv yuav pub zaub mov rau lawv tus me nyuam noj mus ntev dua, tab sis ho muaj ib txhia txhawb kom nws noj nws kheej thaum nws tseem yau. Kev coj ntawm tsev neeg kuj tseem puav leej suav nrog tej yam xws li kev nyiam saib kis las, kev nyiam mus ua si lom zem sab nrauv, los sis kev mus noj ntses kib txhua Hnub Friday.



Cov ntaub ntawv qhia paub muab nyob rau hauv tsab ntawv xov xwm no yog luam tawm raws li U.S. Lub Tsev Haujlwm Kev Kawm Ntawv, Txoj Cai Rau Neeg Muaj Kev Xiam Oob Qhab (IDEA), thiab Tshooj C Kev Cai Rau Kev Pab Thaum Yav Thaum Pib rau Cov Menyuam Mos thiab Cov Menyuam Yaus Muaj Kev Xiam Oob Qhab.

- Nthuav qhia cov ntaub ntawv los ntawm kev mus ntsib kws kho mob. Qhov no tuaj yeem pab kom pab pawg nkag siab txog koj tus me nyuam txoj kev loj hlob tag nrho.
- Thov koom nrog pab pawg lub rooj sib tham thaum lawv yuav tham txog kev ntsuas cov txiaj ntsig tau los ntawm koj tus me nyuam.

Koj yim qhia ntau npaum li cas, ces yim yuav tuaj yeem ntsuas qhov txiaj ntsig tau los ntawm koj tus me tau raug thiab muaj txiaj ntsig ntau npaum li ntawd xwb. Cov ntsuas kom raug tseeb yuav pab kom cov tsev neeg, cov pab pawg IFSP, lub lav, thiab tsoom fvv teb chaws paub txog yam uas tau txais txiaj ntsig zoo hauv kev cuam tshuam pab thaum ntxov thiab yam uas lub khoos kas tseem yuav tau txhim kho tib si.

Kuv yuav tuaj yeem kawm paub ntau ntxiv txog tus txheej txheem ntsuas cov txiaj ntsig tau los ntawm tus me nyuam li cas?

- Mus saib daim phiaj nthuav qhia [Cov Ntaub Ntawv Zwm txog Cov Txiaj Ntsig Tau Los Ntawm Tus Me Nyuam Hauv Lub Khoos Kas rau Cov Me Nyuam Yug Kiang Los txog Hnub Nyoog 3 Xyoos](https://dhs.wi.gov/birthto3/reports/child-outcomes.htm) (dhs.wi.gov/birthto3/reports/child-outcomes.htm).
- Nws yuav qhia txog cov txiaj ntsig tau los ntawm tus me nyuam hauv ib lub xyoos rau Wisconsin raws li tau tshaj qhia rau hauv peb qhov Kev Tshuaj Xyuas Kev Ua Tau Hauj Lwm Zoo Txhua Xyoo.
- Siv daim phiaj qhia los:
 - Tshawb nrhiav seb txhua suam txiaj ntsig tau los muaj kev nce nqis li cas. Koj tuaj yeem pom cov feem pua kev nce qib uas cov me nyuam ua tau hauv txhua suam los sis seb puas nyob rau qib uas tsim nyog rau lub hnub nyoog thaum lawv tawm mus.
 - Saib seb koj lub khoos kas hauv zos tab tom ua li cas los pab kom cov me nyuam ua kom tau raws li cov txiaj ntsig ntawm lub khoos kas. Koj tuaj yeem pom tias cov txiaj ntsig muaj kev hloov pauv li cas thaum lub sij hawm dhau mus thiab seb cov txiaj ntsig no tuaj yeem piv tau rau lwm cov khoos kas thiab tag nrho lub lav li cas.
- Mus saib [Kev Tshuaj Xyuas Kev Ua Tau Hauj Lwm Zoo Txhua Xyoo](https://sites.ed.gov/idea/spp-apr-letters) (sites.ed.gov/idea/spp-apr-letters). Nws yog ib daim ntawv tshaj qhia rau zej tsoom uas txhua lub lav xa tuaj mus rau Tus Tuam Thawj Saib Xyuas U.S. Department of Education hais txog tias seb peb lub khoos kas ua raws li cov cai thiab lub hom phiaj ntawm tsab cai IDEA tau zoo npaum li cas.
- Nrog koj tus neeg muab kev pab cuam los sis tus neeg dhia dej num kev pab cuam tham. ❖

Cov peev txheej muaj txiaj ntsig rau tsev neeg

Kev kuaj kuab txhuas hauv lub cev thaum cev xeeb tub

Cov kuab txhuas hauv koj cov ntshav thaum cev xeeb tub tuaj yeem ua ntaub yam teeb meem rau koj thiab koj tus me nyuam txoj kev loj hlob. Nws tuaj yeem ua rau muaj mob pre-eclampsia, nchuav me nyuam, mob ntshav siab thaum cev xeeb tub

Cov ntaub ntawv qhia paub muab nyob rau hauv tsab ntawv xov xwm no yog luam tawm raws li U.S. Lub Tsev Haujlwm Kev Kawm Ntawv, Txoj Cai Rau Neeg Muaj Kev Xiam Oob Qhab (IDEA), thiab Tshooj C Kev Cai Rau Kev Pab Thaum Yav Thaum Pib rau Cov Menyuum Mos thiab Cov Menyuum Yaus Muaj Kev Xiam Oob Qhab.

(ntshav siab), me nyuam tsis pham thaum yug los, thiab kev loj hlob ntawm lub hlwb tsis zoo. Yog vim li ntawd nws thiab li tseem ceeb heev uas yuav tsum tau kuaj xyuas seb puas muaj kuab txhuas hauv ntshav yog tias tsam koj ho raug kuab txhuas lawm.

Kawm paub ntau ntxiv ntawm [Lead-Safe Wisconsin: Cov Lus Qhia Txog Kev Pab Kho Mob rau Cov Me Nyuam thiab Cov Neeg Mob Nyob Rau Ncua Yug Me Nyuam Tshiab](#) nplooj vev xaib (dhs.wi.gov/lead/health-care.htm). ❖

Kawm paub ntau ntxiv txog Lub Khoos Kas rau Cov Me Nyuam Yug Kiang Los txog Hnub Nyoo 3 Xyoos

Daim ntawv tseb qhia no yuav muab kev piav qhia xam tag nrho txog lub khoos kas: [Wisconsin Lub Khoos Kas rau Cov Me Nyuam Yug Kiang Los txog Hnub Nyoo 3 Xyoos Daim Ntawv Tseb Qhia rau Thawj 1,000 Hnub, P-02928](#) (dhs.wi.gov/library/collection/p-02928)

Phau ntawv qhia no yuav piav qhia txog cov kev txhawb pab thiab cov kev pab cuam uas muaj: [Kev Sua Ntsiab Lus Luv-Luv txog Cov Kev Pab Cuam Hauv Lub Khoos Kas rau Cov Me Nyuam Yug Kiang Los txog Hnub Nyoo 3 Xyoos, P-03011](#) (dhs.wi.gov/library/collection/p-03011)

Phau ntawv no yuav pab kom koj nkag siab txog tias seb kev cuam tshuam pab thaum ntov yuav pab koj tsev neeg thiab koj tus me nyuam txoj kev kawm thiab kev loj hlob mus ua ke li cas: [Cov Kev Cuam Tshuam Pab Thaum Ntxov rau Cov Me Nyuam Mos thiab Cov Me Nyuam Tab Tom Xyaum Mus Kev Uas Muaj Kev Loj Hlob Qeeb thiab Xiam Oob Qhab hauv Wisconsin, P-03002](#) (dhs.wi.gov/library/collection/p-03002)

Ntau tsab yav tas dhau los ntawm cov ntawv xov xwm no yog muaj nyob hauv online: [Txhua Yam Rau Cov Me Nyuam \(All in for Kids\): Lub Khoos Kas rau Cov Me Nyuam Yug Kiang Los txog Hnub Nyoo 3 Xyoos Xyoo 2026](#) (dhs.wi.gov/library/collection/akidsb-3-2026)

KOOM NROG PEB DAIM NTAWV TEEV NPE XA EMAIL

Txhawm rau xa kom sai dua, mus sau npe txais tsab ntawv xov xwm no ua es lev thaum niv thiab lwmm yam email hais txog Lub Khoos Kas rau Cov Me Nyuam Yug Kiang Los txog Hnub Nyoo 3 Xyoos. Mus rau [nplooj teeb email](#) (dhs.wi.gov/aboutdhs/alerts.htm) thiab kiv nqis mus rau hauv thiab nias qhov chaw txuas mus rau Cov Ntaub Ntawv Qhia Paub txog Lub Khoos Kas rau Cov Me Nyuam Yug Kiang Los txog Hnub Nyoo 3 Xyoos rau Cov Tsev Neeg. Tsis txhob hnob qab qhia koj tsev neeg thiab tej phooj ywg hauv Lub Khoos Kas rau Cov Me Nyuam Yug Kiang Los txog Hnub Nyoo 3 Xyoos kom sau npe thiab!

Cov ntaub ntawv qhia paub muab nyob rau hauv tsab ntawv xov xwm no yog luam tawm raws li U.S. Lub Tsev Haujlwm Kev Kawm Ntawv, Txoj Cai Rau Neeg Muaj Kev Xiam Oob Qhab (IDEA), thiab Tshooj C Kev Cai Rau Kev Pab Thaum Yav Thaum Pib rau Cov Menyuam Mos thiab Cov Menyuam Yaus Muaj Kev Xiam Oob Qhab.



Txhua Yam Rau Cov Me Nyuam (All in for Kids): Lub Khoos Kas rau Cov Me Nyuam Yug Kiang Los txog Hnub Nyoo 3 Xyoos yog ib tsab ntawv xov xwm luam tawm los ntawm Wisconsin Department of Health Services rau cov me nyuam thiab cov tsev neeg nyob rau hauv Wisconsin Lub Khoos Kas rau Cov Me Nyuam Yug Kiang Los txog Hnub Nyoo 3 Xyoos.

Wisconsin Lub Khoos Kas rau Cov Me Nyuam Yug Kiang Los txog Hnub Nyoo 3 Xyoos yog ib lub khoos kas kev cuam tshuam pab thaum ntov uas cog lus tias yuav pab cov me nyuam uas muaj hnub nyoo qis dua 3 xyoos uas muaj kev loj hlob qeeb thiab muaj kev xiam oob qhab thiab lawv tsev neeg. Lub khoos kas no koom tes nrog cov tsev neeg los pab tus me nyuam txoj kev loj hlob thiab txhawb nqa tsev neeg txoj kev paub, kev txawj, thiab lub peev xwm thaum lawv sib txuas lus thiab tu lawv tus me nyuam. Hais txog rau cov ntaub ntawv qhia paub ntau ntxiv, mus saib dhs.wi.gov/children/index.htm.

Para leer este boletín en español, visite dhs.wi.gov/library/collection/akidsb-3-2026. Xav nyeem tsab ntawv xov xwm no ua Lus Hmoob, mus xyuas dhs.wi.gov/library/collection/akidsb-3-2026.

Rau lwmm hom lus (繁體中文, 简体中文, Deutsch, العربية, русский, 한국어, Tiếng Việt, Deutsch, বাংলা, Français, Polski, हिंदी, Shqip, Tagalog, Soomaali): 608-266-5508.